

太上大道玉清經卷之七

星七

道化四夷品第十七

爾時玉清天中右瓊臺上真名曰寶光以為
 上元推其降運下於神州天王皓元之門以
 七月十五日日中之時乘紫雲之輿從二仙
 人俱時化為日光降玄氏之胞因睡之中從
 口而入處胎三年爾時夫人年始十八晝寢
 而覺有娠神香鬱烈根識朗悟華容豐偉膚
 體充盛獨處之時恒聞側近有金石之聲或
 聞髮鬢清誦如唱真經和心之文身體輕強
 倍於常日却後三月三日日中之時夫人將
 三百綵女遊宴東城觀看花園息於芳林之
 臺忽聞香氣衝人須臾之間見二繡衣童子
 手執金符在夫人左右夫人問曰子何人耶
 童子答曰我是玉清天中直事神童為玉清
 天尊之所役使受事至此夫人問言來此何
 為童子答言上帝有命符召大王夫人答曰
 王不在此童子又言夫人懷中之王也夫人
 聞喜即垂脚牀前忽覺嬰兒出其左脇夫人
 乃擁羣侍女抱出嬰兒二仙使者長跪問訊

而作是言睽間三年勞於下生嬰兒搖頭微
 笑良久目下重瞳遐暎紫光孩笑三聲泯然
 而止斯須之間忽見芳春臺前月沼騰波五
 色龍王涌出池中口含香水以沫嬰兒父王
 聞之馳駕而赴羣臣朝慶傾國作樂大赦天
 下父王命羣臣後宮綵女大張音樂廣齋來
 帛香花幢蓋迎見還宮車駕來城大會七日
 抱出嬰兒大臣議定冊為太子錫官百司厚
 加寵祿爾時慶霄下流天獸來衛父王自立
 此兒名之重光字曰天挺育於凌雲之宮保
 母五人傳手抱養侍女八百晨夕侍或抱
 出寢幃兒見天日常以仰笑口出紫光上連
 天口甘露如繩直注兒口玉女散花以拂兒
 身神鳥停空張翼蔽日香官颺煙以薰宮中
 爾時重光三歲能言聲聞百步常樂獨坐不
 須人抱年至四歲獨言獨笑談及世表年至
 七歲不學而知遐思遠視身邊有光照耀一
 室坐立如山行如龍步側財東首四肢半伸
 紺髮翠眉目開日角光含紫暎方口圓鼻耳
 長五寸三門成就齒白齋容足三十六數脣

色如丹方額高準人中四起長十二分闊額
 平正玉枕如星髮不參差柔軟光澤項負三
 約四乳方肘闊背微偃心處深厚臂圓脰直
 垂手過膝爪堅色紅常有光明掌中有華文
 三道通達手心色紫指長六十臍中深圓峻
 有伏骨雙鬢駢脇腹生白子髀骨方直藏踝
 不見足跌微偃筋脉不露踣底平滿圓文日
 輪爪根深下指端微起膚容細軟充滿香潔
 青骨素髓五藏蓮花紫胃筋腸食不全粒顧
 眄迴身坐立平正年至十九形長一丈聲響
 如鐘韻鶯塵飛遙聞十方常有紫虛蓋其頭
 上而止之處無有霜雪和氣調平風不狂勃
 甘雨微津溫仁忠恕忍辱慈順仰觀雲天善
 明經緯一切伎藝不習而工幽通至極預知
 未然父王珎之大集羣臣議定禪祚三讓不
 受爾時五嶽響應虛鳴萬歲嘉祥畢集幽明
 符會苦不得已然始受位治民事天弘道安
 世正化無為不勞人心貴德尚善不令而從
 恩流孤弱惠及昆蟲人神交歸異類羣睦每
 以秋冬天降甘露五色之雲以旋日月城闕

不閉郊境無防四海通同萬邦歸一嘉禾瑞
草合根離穎一樹十枝隨時四熟仙娥布野
榮緇豆原絡織成文以充衣裳鹽池醴泉隨
處而出靈芝夜光遍擬園苑神禽奇獸馴狎
檣廡麟鳳羣萃晨夕和鳴爾時有黑水之北
群羝之狄斜通河源雪山之陽與雜畜之戎
性狡難狎陰生奸計聞王善政不用戎威相
率與兵來入王國始到雪山之東羊馬災厲
抵我疾疠羣鬼露形殺滅我狄十分遺七中
路自悔跪拜叩伏王知其逆心固不加伐任
其進退

爾時大王遍勅國內而作是言邊戎無知忽
懷逆心天已罰之即時自翻刀不任進天下
萬兆不須驚疑我若無道天必喪我三日之
中邊疆報國云賊已退是時羣戎復歸其兵
昏氣天之十喪其八瘡癘由興災殃未殄邊
陬恐怖羣衆相謂享人禱天災氣轉盛荒戎
之中有一主者微辨世事向諸衆等而作是
言大國之主德合於天修道守正志不邪偏
萬福扶持百神守衛我等云何相率興兵而

恃上善我國遭災祥必由於此我當急告隣
近諸王嚴裝所須速往辭謝是時邊戎一百
二十五落戎狄之主將諸侍從八萬四千人
俱乘白象齋香花瓔絡馳入大國屏氣玉闕
肩揭琛賂肘伏王前抽膊求哀髮墮流血拔
髮如蓬自撲紛紛遍體青腫獸鳴鳥噪不可
悉解疆人重譯悔過謝愆而作是言我等邊
隅不治正朔三才濁氣二像醜形雜類之種
不識恩美雖日有生實非正氣忽起兇頑率
心不義而與獸心塵穢大國羣衆未久已遭
天罰荒陬殲天十分喪八毒氣未休故猶與
感讓者以為反逆上天縱毒享人禱祀轉加
增甚敢從大天求乞及慈言畢自撲披髮悲
號大王告勅我承有道之君係統天下唯善
是履不務其餘猶不自哀云何哀汝我於萬
物受同一子未曾偏黨乃至幽冥亦復如是
汝生逆心來向我者我身不知付之於天我
無情而責汝天無心而伐汝汝身受罰如仰
嗟天不辭其身如仰射天箭還自中自然之
道理無差也汝等所齋香花瓔絡非我所珍

我此國中唯修道德及以穀帛頸珠瓔絡邪
俗嚴身非正所貴轉重累物外滯塵滓何以
故此名外飾故不足珍我此國中一切人民
盡用忍辱退讓精進儉約以為嚴身之具以
道德戒行為諸香花不須汝之所有爾時諸
戎見大國之王不受其獻恐畏無福災害不
銷悲泣相顧而作是言大王不受我獻或恐
燻薄我等大眾各以白象奉上大王以求哀
憐大王勅言瓔絡寶珠尚非我貴况於白象
腥臊臭處水草巨大又須看牧為我國累龍
鳳輕妙吾尚不須時諸陰戎煩冤懊惱自披
頭髮悲泣而言大王不受我獻我身無福定
不免災不如自殺以速此禍
大王勅言夫求福者空心奉道身心既空道
亦虛無以空虛故則無禍患既無禍患名為
福德又求福者無希無望汝所獻者誠有希
望故我不受希冀之獻我此國中諸賢良等
常以善心而自嚴身不以瓔絡白象為求福
也大王又言我此國中唯當奉行無上大道
餘無所求諸戎當知諸求福者心不邪偏平

等一行不順利不違害亦不變禍為福亦不恃福故能無禍何以故惡不勝善凶自成吉禍自變滅亦不見福汝欲求福所避禍者是汝顛倒不達禍福心生背向何以故禍福同門根於虛無汝審此禍從何所報知禍所起自明福本諸求福者先知其禍譬如良醫欲療眾病先識病源然後與藥病藥相當無疾不愈汝諸戎等挾禍求福不除禍本望福降者譬如有人執杖和怨負水求火動苦積紀終不能得汝禍所起起汝身中云何求福二

○滅汝身夫滅身者不名為福云何戎狄自欲滅身身為福本云何滅之諸滅身者名之滅福又身為道本諸滅身者名之滅道非滅禍也諸滅禍者不恃福以滅禍諸求福者不因禍而致福是時諸戎聞大王勅言不能辨了請譯人譯之然在畏懼不解報答唯知頂禮內懷厚愧跪立不安爾時陰戎之中有一生者名釋頭分請譯人宣傳自稱是浮提竺乾之王而作是言慙愧大天為我等眾說希有法但以邊戎淺識不究至道遠速相傳沉滯

邪津歷劫未悟不但今日唯願大天哀愍辱惑狂胡無知情所不了念達一言以陳鄙志向聞大天示以此國唯奉大道無上至真可得聞乎大王勅言無上大道常以希聲而聳者不聞大道甚微而盲者不見汝等眾生雖有眼目不能正視雖有耳根不能正聞眾色紛紛引汝之明邪音囂咽室汝之聰汝雖有耳目不異聾盲以是因緣不能聞道汝欲聞道除汝邪聞汝欲念道除汝邪念汝欲修道除汝邪修汝欲行道除汝邪行行於正行慈悲善順名為道行行此行者自當聞道既得聞道亦能見道既得見道亦能行道既能行道即能平等觀諸眾生與己無異觸物生慈心不分別先建此誠然後聞道爾時諸戎重復請問大王無上大道至真妙行以為何宗全生妙用昇入無形綿綿長存絕待無累願垂開示令得解迷大王告曰無上至道以自長生為宗即此之身而為法身以慈悲平等為重以忍辱柔弱為用以方便惠物為利以無為虛白為寂以智度無礙為通以道眼觀

照為達以弘廣容物為虛以形能隨神為無以無作為自然以無形為長生爾時諸戎聞大王之言皆曰未曾有也神識雖鈍亦以朦朧未能盡解猶亦在疑

爾時大王為邊戎釋除疑結心開意悟於是大王以八月八日為諸戎秋請寒林大師召集國內出家道士備陳威儀為諸邊夷七日七夜齋戒悔過又却還其所獻珍玩及以瓔絡諸戎奉勅不敢不受受已轉施寒林大師大師受已即分瓔絡而作二分一分與眾中貧下給使之人一分與諸戎白象還令諸戎為象著此瓔絡爾時二萬四千大象著此瓔絡一時跪拜寒林大師象又四散以鼻繞花奉上大師是給使下人佩此瓔絡心生慙愧皆自歎言大師平等一心視物寶珠瓔絡惠施天下人民及諸白象頭首辭謝寒林大師語曰無上大道寶轉凡成聖尚以平等惠利眾生而不恃功瓔絡外飾邪俗嚴身塵滓瑕疵何足及言外荒雜類不解獻心將此施我我以為受迴以與汝何用謝之但取勿疑至

月十五日日中之時大師與諸道士九萬七千人同時受食畢歎口寶瓶餘水散灑南北方立成雲雨風雷電擊大師又向三方噓氣口出金光遠映諸國是時邊戎癘疾者登即差愈皆於光中遙見大師如對目前風雨蕩穢雷音舉愆一切灾殄應時殄滅又令八萬四千戎夷悉於光中得見其家至月二十日諸戎留後各遣使者馳入大國報奏平安具狀所見瑞相如前

是時諸戎披髮謝過歡喜道前頓首伏地請問大師不審大師修習何法神變乃爾自在無礙只名大師復有餘號向聞大王勅言大國之中奉事大道不審大師之道與無上大道爲一爲異蒙昧不曉唯願大師廣爲分別開示未聞爾時大師彈指聲歎而告羣戎曰善哉善哉念法邊鄙哀汝知問不可思議汝當諦聽吾爲汝說我是玉清天中雲宮東臺號曰太真自然虛生名無上道無所修習但以大慈大悲應世神變隨心而成無心故爲不勞於身我與大王同時應運下治兆民國

王因寄凡胎我權號大師託在寒林互爲實潛相影響不一不異不處中間汝等諸夷出生慾界受質邊戎人心無慈荒涼弊惡性便戕害而不好生飲血茹毛形骸臃腫神凝濁氣體結偏精技本寒源抑本崇末性重財貨不珍大道積劫如此非獨今時大道不行其來久矣雖知若此物有輪轉罪爲善本惡是慈源汝等衆生向無逆心終不見我大道無私冤親不二以德報怨不捨大悲是故國王請我法衆爲汝悔過爲汝消災慈心平等無有異念故令雲雨施散光音普被

爾時大國太帝及以太妃王子羣臣先心不知寒林大師與大王重光同是降神大師初來之時國人大小咸謂大師是凡常之人後見大師隨心神變傾國歸依悔過自責隨其富貴貧賤辦諸供具雲華國內列滿東城芳春之臺大設齋會合國士女填塞衢路車駕紛紛塵飛霧起

爾時大王爲施高座層國珍玩裝校道場開發大藏巨惠穀帛周窮濟乏出諸名香焚煙衝天結蓋凝雲張設妓樂驚天聒地五嶽震動四海波蕩春雲涼風調和氣序韶光曉景同於始春長林再花和鶯重發百鳥翔舞魚龍躍鱗天地吉氣以輔王國時會大衆喜慶無量行道旋繞歌頌盈溢法衆步虛梵讚歎詠爾時大師登座撫几凝坐如山千善爲心萬福成體大衆欣仰一觀真相皆發道心異口同音百心齊一合禮道君願聞希有

爾時無上大道君爲衆生故及命國主重光三捨焚香遙禮雲宮大悲天尊長跪立願

第一願者道化流行普天懷德二願一切有生咸皆悟道三願九夜悲魂一時解脫四願孤爽無依咸得受生五願天下太平百穀成熟六願臣忠子孝君仁父慈七願四海通同怨親和解八願潛胞處殼俱得生成九願積疾新瘡登即痊愈十願孤露衆生豐衣足食

爾時大王陳此十願起禮大師而作是言唯願大師爲衆久處降跡同凡不素塵穢大王作此語已感動天地虛空雨花天灑甘露萬變仙樂鳴玄駭空天地震動麟吟鳳歌龍魚

鼓淵

爾時道君面門洞曉真光透朗無際靈音遠暢和適羣化沉尸受生槁林吐能有情無情舍英發花道雖不言諸法已備令此衆會生希有心自然然而吾亦不知其然所

爾時諸戎仰視忘瞬自失其形兀而不動猶如枯本須臾之頃雲宮天尊降於應身與諸侍從九億上真下臨青雲之上凝結慶霄方入萬里其霄四方平整如地時諸上真列坐其端慶霄正中有紫霞之座五色雲龍交結負座座高八萬四千九百九仞大悲天尊昇此座坐漸下玄中去地七百八仞正臨東城眈眈若虛湛然不動唯見明霞之上紫光含雲彤彤混然衆目仰視不覺天真大師分身上騰入於雲中先所座上復入二真容貌相似良久之間二會寂然無有音響真儀不動猶如金山光明洞映不測邊際大會之中人及非人默然不動心無疲狀歡喜仰視樂真觀相傾心注念不覺有身九日九夜寂無飢渴身心不動

爾時諸戎重觀浮雲之上大悲天尊威儀侍從大驚恐自投頭髮悔過責己刀劈其準遍體血見踵身自撲猶如山崩觀此希有求欲捨眼施頭燒身破骨以為供養聲徹大王王因出勅而告諸戎曰無上道法好生惡殺莫

以邊鄙穢法誇我大邦燒身謝過過在身亡鬼神受弊永失入道燒身求道道存身滅滅身求道道非滅法云何滅身而求道乎汝諸夷等入我大國永不陶化云何欲聞無上道乎汝欲聞道應全耳根不以耳聽而聞道也汝欲見道應全眼根不以敗壞之眼而見道也汝欲行道應須全生不以滅生而行道也汝欲行道先全汝身不以缺犯之身而行道也汝欲懷道應除十惡不以五逆之心然後行道汝今當知生不全者不足聞道身不全者不足學道汝諸戎夷雖非法器得觀天尊萬劫之後承此功德轉輪受形必生大國有道之邦能立誓願必不重生鄙野之方從今已往當全汝形勿以披髮燒身破骨反天逆地心無慈順生死墮邪水不見道諸戎夷等

一時拜跪答大王言我之風俗殘形滅生燒身粉骨浮煙上騰謂之昇天或棄尸深水謂之水仙或棄尸林野以飴禽獸不貴生身受度勞於長存

大王告曰汝戎狄等以長存為勞以髮膚為果我此大國之法以生滅為累故求長存無生之道昇入無形不覺煩惱不以殘形滅生以遠勞累亦不吹累而累自消亡汝諸戎等不捨邪心具足外道不除十惡樂塵生死不遣三毒人形獸心不足見道勿以戎狄之法穢我大邦是時諸戎直以謝過不敢披髮燒身破骨皆云不達至道忽出偽言以干正直只言生而必死是故昇求滅度不知無上大道長生無窮昇入無形絕待無累願垂哀慈賜以自新爾時大王又勅諸戎汝野性暗鈍不識道德自作凶逆招求罪罰來此悔過大道慈悲念汝無知寒林真師降汝景福大悲天尊慈汝癡頑無上大聖來會我國萬兆無言傾心注玄專志大道汝諸戎狄輕陳短見不能安靖

驚觸法衆自開關他亡失惠利汝但默住雖不解法亦得冤識漸漸受潤

是時諸戎奉大王勅胡跪默住不敢動搖七日七夜却後日晡之時忽見南西北方三大天魔各從地司飛空而至頭首真君頂禮大

王迴訶諸戎怒目切齒傲論而言大王道國人無三毒久離十惡守正修仁專道貴德爾

無亂臣家無逆子汝諸狂胡將此罪鬼行尸之魔塵穢王國悔過請福求聞道平天科地

律十惡無原及逆君父罪莫大焉合粉骨皮身抽筋裂血剝剔五藏剖膽披心拔出汝舌

不足以謝惡言挑出汝目未足以申惡報汝家國遭災子孫亡滅一人造逆誤殺萬民是

諸戎夷身毛皆起恐怖悲悴肝膽塗裂全體拳縮流汗如雨氣冷口噤五神無主地司執簿以簡大王

王即告諸魔言無上大道不問怨親於我無傷云何伐害縱能損我亦不加報大王問諸

魔曰譬如嬰兒或執瓦木及以錐刀而傷父母寧殺之不魔王不也王言我亦如是寧填

我身終無有心傷害物命況於狂戎智慮微淺不及嬰兒於我無損天以伐之奈毒狠狠

怒之在心每為傷痛時諸天魔聞大王之言俱時彈指皆曰未會有也相顧而言大國聖

王寬心慈善大悲及爾德同造化雖暫為王已具衆相身甚萬善千福成心不久之間受

隨天尊我等大眾已來至此此會不久必當度人大道難遇妙法難聞我自大王求乞停

任大王知已即告之言大道弘廣如空無礙此會之中以道為法法無分別法無起滅法

無見聞法非內外亦非中間法離生死此會之中淳一無二皆以一慈悲法汝諸魔等欲

諸住者應如法住爾時諸魔聞大王之言樂然肅整還與諸胡參一處立三日三夜却後

晨朝日出時見蓮木之鄉仙人道士六萬八千人俱廢以飛蓋手執花幡過於龍宮各

持明月神珠紫瓊蓋雲飛空而至奉上天真後有八十一種鳥夷之王皆披五色鳳文之

衣各將侍從八千人俱是時諸王各齋神樂珍香一時而至奉獻大王所謂虎沫七明龍

胎舍利金暉炳煥光明耀空此舍利者皆是八瓊霜珠化成舍利玉龍服之身有金安王

顏虎沫七明龍胎上藥王龍服之身立飛行千變萬化隨心而成我昔學道師於長桑道

君見賜神藥服之得仙後受道要下治九夷聞君降世助衆生喜又聞王清天尊玄立影

響在臺上真託棲寒林為緣俱會希音避震八表皆聞虛光洞空十方徹照故來至此為

敬起居爾時八十一仙說此語已昇身入空去地百仞朝禮天尊空中而住爾時復有東

地鬼將名曰電豕形長三文鋸牙齧齒銅頭鐵毛鉤舌火氣自似奔星黑面赤體牙如魴

足脚似馬蹄聲如擊雷吐氣成雲將眷屬六億餘鬼遙聞真人降世為王以道治國不撓

台生願為大國守護郊境臣贊大三俱乘黑雲浮空而至頓首王前而作是言臣為鬼方

之王後使遊精諸有妖魅不實之者臣能噉之生殺在已遙聞王國人民慈善輒率徒衆

塵穢王國敢欲為王而作守護若有大聖仙士所在之處我當給使長夕受事若有齋講

之所當率徒衆而為外護若有外道惡人誹謗善道毀法衆我當滅之令其惡疾毛髮墮落與其重病若有衆生於道場中心不端直邪觀念視我當考之令此惡人身受疾死入地獄罪延七祖若有衆生慈善孝順念誦經戒供養大道以道為心我當親近常當守衛不令惡鬼得其衰便唯願大王聽我徒衆衛護道場大王告言善哉善哉我念衆生猶如一子於汝亦爾心無偏黨幽顯殊咸願與汝俱為善識爾時諸鬼歡喜受語禮謝

大王圍繞東城芳春之臺敬禮真人伏首而住爾時復有火光惡殺六萬餘鬼形長三丈頭頂放光猶如散螢通身黑色眼赤如火手持鐵棒吐氣噓人立便倒地毛豎寒森悶絕迷亂鼻口逆血聞王有道以正治國不憤衆生願為大王威伏惡逆俱乘黑風從北方來長跪王前而作是言聞王有道惠潤廣大一切幽顯皆沐王恩故率徒衆願為受事利安王國守護善人若有法會之所我當外護摧伏惡魔正諸邪道若有衆生毀敗道場潛生

毒害邪心惡眼來親法衆我當鐵棒打殺此人或拔出其舌或復令其肩髮失落若有衆生入道場中穢身污慢我當與其癩病種種災惟所在不安自然恐動大王又語諸殺鬼汝光影毒厲不可近人雖有威神勿行傷天當念衆生扶持善人願聞道法速得轉身成無上道諸殺鬼受勅歡喜而住

爾時復有金剛之神八萬五千飛空而至身長丈六勇健希有除道神力餘不能過倉然而至莫知所來常為大道而作侍衛先禮上方大悲天尊次禮真人問訊大王宛如舊識而作是言真仙下世道化有生內外相持人神符會萬邦威集邊士俱臻清濁混淆真偽無辨大聖寬宥不問昏明此會因緣固非輕小深宜戒約以絕不真唯願真王聽我說法

正彼道場惠利善人變滅凶惡使人及非人咸尊正道大王默而然之爾時金剛即於大衆之中瞑目一踴上入青雲奮身而下地陷右裂飄氣揚沙塵飛晦日怒目成雷噉齒如雷叱吒千精驅馳敵遠攘袂鼓肘抗聲大呼

外道亡精鬼魅失氣爾時金剛顧盼而言我是護法善神金剛力士侍從大道受事夫真影衛道場扶持善人糾彈罪失察獲奸邪一切衆生莫犯威神輕過流血重慶滅形內外整肅勿使不精爾時會中男女大小咸起恭敬禮拜金剛畢具復坐爾時金剛為護法故調伏幽明二衆之心而說呪曰

雷大明空神光朗幽毒龍四據靈虎八周頭中七星足踏斗牛神力列宿金鈎耀精元首威兵騰步虛行中絕妖邪下滅遊精抽肝出膽翻腸拔脉左斬右剉前烹後截截妖無原收束衆怨噉鬼使者摧拉生吞至俗歌鼓飲血食肉形腫骨臭魘翻覆腥臊穢賤心形詭譎神杵碎首金刀剗腹藏凶匿害忽來降伏左秉金符右持罪目太一金鈴虛皇玉節

知過不改懲首自截何妖不喪何精不滅六神不藏七星裂血上有真師下有金剛齋荼降氣口吐靈芒飲以月池餉以玄霜五藏生華長存不殲

爾時大鬼神王四目電光同為護法銷滅不

祥守衛道場察軒亂過降伏惡人及諸外道無正信者而說呪曰

神風拂塵傾拔邪根六天喪精五毒亡怨金頭鐵齒噉鬼止魂挑光烈戶雙景曜門奔星殺氣朗然無畏百脉川流七經調理神安體平長存不死

爾時大鬼神王說此呪已遙禮上方後拜真君告諸鬼曰汝為道侍衛守護善人說法之師與道無異不得邪忤真正之氣捉獲上聞萬劫無赦是時大鬼神王語會中諸來法衆而作是言我為天帝驅馳職當歸道扶持新學入道初門一切男女攝除亂意不得邪視傾聽戒威儀察護生人同鬼受考不但殺鬼亦以降伏強梁殺伏邪心調理生人無正信者聞此神呪應起恭敬此神呪者是天帝威章自然之文諸天魔王五方鬼將真官地司助道興化守護家國安靖道場扶衛善人皆誦威章消伏不真誠滅凶試摧落邪鋒外道惡人喪精失氣雜毒癩癩遙聞敬畏諸有法會齋講之處道場俗舍我等徒眾常在觀

之齋戒如法丹誠所為大道降臨福德立至身心嚶背為利名聲誠不得已而為齋者我不守衛大道不降賜應遊精雜毒下鬼臨饗其齋輕道慢法三司糾彈道不虛行要在丹心非可假求資質賀易奉道之子深可慎之

爾時鬼將說此語已却一面立儼然不動

爾時大王車駕西域迎載父母百辟卿士皆執花嬉鼓衆伎樂大備威儀迎載父母還芳春之臺焚香頌首大悲天尊次禮真師問訊法衆歡喜委曲太帝年老夫人亦衰大王孝順瞻視顏色心恒喜懼

爾時真師命其復坐而告太帝曰汝之父子名善知識汝是紫微之精下託凡胎應運為帝大王重尤是王清上真化生汝門雖為世帝形不衰老皆是自然無上法身

爾時真師又語大王言九夷仙人遺王神藥可以救老命汝父母俱時東向丹水服之是時重光自開寶奩取藥持水饋於二親父母受東向長跪而服大王取八十杯分作三分一分奉上真師真師不受亦與父母丹水服

之服之七日面有金姿玉顏行步如翔足繞履地自抑其身委縱其形立便飛騰又從真師奉受靈書雲篆和神保生三萬六千字晨夕吟誦頂浮五氣自有浮光神彩清澄威容嚴麗尊響通徹紫氣連天顏貌及嬰素髮歸

玄出有入無進退之間合眾歡喜為王作禮仰視上方慶宵忽變青光以照會東復良久間變成赤光以照會南復良久間變成白光以照會西復良久間變成黑光以照會北復良久間變成黃光以照會中五色光中各有一音合會流變象亮清雅五光連雲猶如天虹皎潔洞徹須臾之間會中真師又放眉間四色光明以應上方所謂慈光悲光善光信

光是時大會仰視真光身心志倦又聞八色光明有自然音樂心音開悟如服甘露是時諸戎八萬餘人觀此光已目冥心悶猶如大醉六識閉塞低倒無知爾時國中有一大臣名曰守正見諸夷人低頓無知前白真師而作是言我等宿福生逢有道得觀真師見道感神心開意悟耳目聰明傾心注玄歡喜忘

倦不審羣夷何故低倒六識閉塞神似昏醉
 身負何罪迷悶失志唯願真師示所未聞令
 衆開悟悉其綠業真師答言大哉結固業緣
 不善汝當諦聽吾為汝說善男子汝今當知
 諸戎狄等初建逆心招集凶險上天縱毒下
 鬼伐之所有驍壯一時殄滅國土空虛十遺
 其九又悉遭疫疔癘苦痛羊馬死盡羣戎飢
 餓寒凍殞逝不可計數此諸胡鬼悉詣天帝
 言訟其主冤冤執之惡業不忘是諸戎夷元
 來悔罪不圖聞道雖蓬生會死氣不消身神
 被拘形空無魂以是因緣使之低倒迷昏睡
 熟為此邪爾時真師說此語已大衆一時頓
 視諸夷忽見地悉黑氣平高一丈蔽覆諸夷
 色如聚墨黯無分別忽聞黑氣之中有冤魂
 吟响或大或小悲鳴悽咽是諸戎狄各於睡
 中見其眷屬相向悲苦冥目自撲遍體流血
 號咷哮吼叫喚嗚咽猶如稀鳴聽之驚人合
 衆傷痛彈指泣淚
 真師告曰善惡之業生死相隨譬猶形影無
 暫捨離道雖愍之當如其何此黑氣者名曰

陰氣又名殺氣又名怨氣又名尸氣又名獨
 氣此是坤母吉氣天雨黑灰墜諸夷身毛髮
 拳縮形體垢膩爾時真人俯而彈指大地震
 動須臾之頃上方慶霄之中微灑甘雨以沐
 諸胡香風下流以惠諸胡六日六夜目始能
 開一十二日黑氣始消羣胡形體悉皆消瘦
 無復顏色鼻流涕血兩眼垂淚尸氣染身通
 體如墨心眼朦朧視聽不諦振掉恍惚譬如
 狂人眼中各見冤家雜畜諸鬼揮刃驅之時
 諸戎狄舉手捫虛四散奔走馳出城外先所
 乘象見之驚奔藏伏草澤莫知所在諸戎狄
 等見世怨對眉髮禿落七孔流血徹骨虫癩
 忘失本心善惡業緣如聲響應容谷無情隨
 人所呼一切善惡亦復如是不迴易爾時大
 王愍之復俱自出道前叩頭玄師為諸戎夷
 攝取怨對說法度脫爾時玄師從座而起三
 捨焚香遙禮上方玉清天尊禮訖復座須臾
 之頃分形萬億攝取戎鬼來入會中為說三
 寶第一之義所謂慈悲忍辱為諸行先是諸
 功德第一中最一切幽明若離此者長墮惡

道永不聞法又為諸鬼說離生死法不顛倒
 不縛着復觀真際空無所有妄想分別見有
 怨親真際既空怨親亦空是時真師大混玄
 澍沐浴羣鬼次為諸鬼說無上道法所謂一
 道一法一慈悲力一受一生永無變易法變
 易法永離生死既無生死則無怨對諸結縛
 着之法永墜生死無底大河業風所飄彼浪
 不息離此法岸永沒泥滓汝諸鬼等欲離生
 死應捨大怨常行一慈設復有人衰損我者
 我為虛受不以惡心加報於彼如此之法名
 離大怨若離大怨則能遠離生死之怨大事
 已辨名之無餘一切怖畏不能恐動深根固
 蒂不為業風之所傾拔譬如大士不悛財寶
 負債速還有財不收斷除一切怨家債主求
 於道寶為法施主不悛塵穢無明之財是時
 羣鬼聞真師說微妙法悉捨本心歡喜踊躍
 皆發慈辱無上道心上元真帝應時心開洞
 發慈光下照羣鬼是時羣鬼觀此神力深信
 道法曉悟長生常住之道心無變易捨離怨
 對虛已和敬一切異類皆為知識為欲聞法

055 A 615-6

求入道場真人許之大衆作禮安坐北面儼然不動是時諸戎身所患疾登即差愈亦悉同時各見真人爲其說法身心開悟皆發道意俱得解脫真師告曰汝諸戎等罪業結固障累未銷未得入會且於城外罰帳家立專心願念各自悔過一日六時遙禮城中法會之所爾時闍人名曰慎靈觀此事已前進作禮請問真師而作是言不審諸夷過去見在緣何罪業未得親近法會之場真師坐而熟告之言此諸戎狄前身先是此國中人住在玄谷之陰以其前身爲大齋主因散席之次相共田獵放火燒山傷殺禽獸三百餘命以其承齋之功德不圓就生於邊地作戎狄主連今三生承此禽慶故得見我向不殺生應生中國富貴之門此戎今生餘報未盡更相率欲起叛心謀害大國道德天王羣鬼縱毒殺其家國十損其九冤魂上訴身神被執以是因緣未得入道服於正法故令住此城外遙禮法會闍人開說重問真師弟子職當守衛掌知軍駕城門多事四方輻湊奉勅在此

部分迴列使車騎出入行伍次第諸聽法人教其進止爲此煩劇不得入會禮拜聽法晨夕願念翹想丹靈唯願真師哀愍孤露爲作依怙真師告曰汝但有專誠篤志大道遙鑒不論內外及以近遠大道常以平等濟物邊遠我龜尚沾玄化汝以有福親衛城門一切善人晨夕做往汝善知識最廣餘人今又見我真善知識憶昔往劫我下爲緣託棲丹霍七小劫坐一林間爲諸仙人說三十二天住壽之法汝於爾時受身鴛鴦三百生中依棲丹林晨夕見我或時復銜菓獻供法衆乘此因緣生於中國重得見我闍人間真人之言悲涕嗟歎頓首伏地爾時真君又告闍人曰汝起取水沐浴汝身沐浴竟已真人又曰燒香敬禮上方慶霄之中大悲真帝然後伏地爾時真人以自在神力令此闍人心中忽然開悟見其前生所經業緣了了分明起禮真君號悲泣真君告曰汝爲小罪令身之中未得成道爲汝知聞鞭撻人畜冥司注記以汝毒心向不

爲此生身合度汝當努力兢兢戒慎宜犯衆惡後身之中正得昇度闍人悲泣重白真人不審此愆可首悔不真人告曰汝自終身悔過始應免罪闍人又問不審道專往劫爲諸仙說諸住壽其法祕要可得聞乎真人告曰我分一身即時在此會中爲仙人道士及王父太帝王欲序說上天住壽之法汝欲聞者隨我往聽闍人答言奉勅典衛不敢遠遊真君語曰我已分汝之身爲兩人也闍人後顧又見一身執事知當乃知真師上道威力隨心變化乃隨真師入會聽法復見座上有一真師金容相似大衆人民不能分別真應之事爾時闍人請問真師無上大道至真至妙分形散體爲得幾身答曰無上大道分身爲氣天上地下無所不在雖云真應實不曾異大衆歎言道無不在方知萬物皆有道性得一道者無不太平爾時道君告諸大衆曰此愆界之中同於一天四方言之名曰四天四天之中亦有真仙不願上昇治在比天天號雖殊上下仙壽等

無優劣俱不退轉或以應身亦有生滅神化
 隱遷希微常住湛然不動此四天下男女善
 人學成後聖住此世壽修短任意或入名山
 洞府及諸小天之中億百千劫後願上昇先
 入太黃天中住壽一億萬劫次昇太明天中
 住壽二億萬劫次昇何童天中住壽三億萬
 劫次昇平育天中住壽四億萬劫次昇元明
 天中住壽五億萬劫次昇七曜天中住壽六
 億萬劫次昇越衡天中住壽七億萬劫次昇
 蒙翳天中住壽八億萬劫次昇和陽天中住
 壽九億萬劫次昇恭華天中住壽十億萬劫
 次昇耀明天中住壽十一億萬劫次昇竺落
 天中住壽十二億萬劫是諸真仙欲住天中
 若不願昇上亦隨其意勝報無盡不論上下
 次昇入虛明天中住壽十三億萬劫次昇入
 端靜天中止住十四億萬劫次昇入玄明天
 中止住十五億萬劫次昇入極瑤天中止住
 十六億萬劫次昇入元載天中止住十七萬
 億劫次昇入皇崖天中止住十八萬億劫次
 昇入顯定天中止住十九萬億劫次昇入始

皇天中止住二十萬億劫次昇入浮容天中
 止住三十萬億劫次昇入無思天中止住四
 十萬億劫次昇入阮樂天中止住八千萬億
 劫次昇入無極天中止住九千萬億劫次昇
 入皓庭天中止住百千萬億劫次昇入元洞
 天中止住千千萬億劫又次昇入妙成天中
 住上萬萬億億劫次昇禁上天中止住億億
 億劫次昇入常融天中億兆世微塵之劫次
 昇入玉隆天中兆兆大地微塵之劫次昇入
 梵度天中自在止住平育天中上昇太虛做
 往大羅入於無形寥廓玄冥從皇會天上至
 太虛天無成壞住止之數計於慾界劫運以
 示衆生已上道境名之虛無道亦虛生自然
 之形光氣成體不可名言皇會已上天大聖
 亦然及至慾界四天之中名山洞府後聖真
 仙雖觀天地數有劫運形隨日新神力自大
 永不退轉常住不變一階仙位永斷生死輪
 絲長存不可思議不如邪俗教中經書注內
 邪俗之妖竊號位仙九萬大劫生天受樂轉
 還退墮此是精鬼魁魍與真正之道更相違

背聞此說者即是邪說非真正也爾時大帝
 左侍名曰大章聰敏中正立性好道未達真
 帝心猶在疑前進頓首上啟道君而作是言
 臣生年已二十有五仕知內史直侍太極人
 世至尋四海子來百司供給天下宗仰果報
 難加年來百餘勞生萬慮離處廟堂心遊遐
 外治民事天心勤寐寤行步不速耳目失聰
 筋窮力衰髓腦枯竭氣力微弱動止苦辛每
 瞻顏色五情如切加以悲願寢食無寧生未
 百年萬種煩毒不啻真仙之士塵劫長存形
 神不亡飢勞辛苦是時大章語未卒間具師
 神力急令大帝容儀復嬰膚體充潔猶如疑
 脂太帝夫人色美髮黑肌如冰雪齒白齊密
 氣力倍常立便上昇慶霄之上朝謁天尊亦
 能五變所謂入木如木入火如火入金如金
 入水土如水土昇玄步虛立便無累爾時真君
 即入無形莫知所在良久而見坐空中去地
 千丈八色雲龍以捧神足七色慶霄覆蓋隨
 摩三景環照身洞慈光安摩而言語大章曰
 七明慮沫五色舍利申下二藥大王父母服

之尚爾神力自在况於至道可得言乎行尸
短見敢於道前特疑大聖示汝小道威力何
如無上大道改凡成聖即此之身昇入無形
大則無外小入細微我道能之自外邪道要
在灰滅不能即身而成法身由其外法神木
微弱不能存濟以生為累寒暑破體是非交
宵疾患飢飽種種煩毒生老病死無明之形
不任久處求早滅度不如上道轉凡成聖體
如金剛塵劫如瞬形隨日新出入無間何憂
累乎生死象斷煩惱不繼誰能勞之昇入無
形誰能滅之復歸本除同於太空誰能見之
神變自在存亡恍惚誰能知之不知其始焉
知其終萬天在心塵界入毫本相如故汝意
云何是時大章匍匐下殿散髮叩頭悔過自
責大王重光見其父母忽爾昇玄焚香仰天
叩頭禮拜天尊頓首真君慙謝九夷八十一
仙而作是言眾綠諧遂聖凡慶快願南蠻西
戎北狄邊陲異落非法無聞戴角披毛獸心
人面有情無識飲血茹毛蠢動含生幽明人
鬼願生死開度同入道流說此語已上方慶

霄大悲天尊與即座真君俱放慈光照明下
土慈音普被異類咸聞各見天尊下在其前
為說六度六通之道自在解脫無上法門是
時大會聞天尊所說心開意悟知有為法不
離生死出家修道皆得長存爾時大悲天尊
通流法兩隨其綠業潤有淺深平等見形眾
生觀相容貌各異一音說法眾生領受悟解
不同信用相友而不相似而此會中略有三
種大王父母運偶善緣不動而感成道須臾
神鄉男女受用惠利能令其身以收其生長
守清虛與道為偶生身受度形神不反猶如
金剛不可毀壞是諸夷聞說長生心則迷
悶精神狂亂身毛皆豎或復五體緩縱不能
自持昏憤睡熟呼吼無知大道慙之勤勸不
舍爾時真師語諸夷言各起燒香自申願行
時諸夷焚香訖已業緣拘束不得餘言皆
願修行因緣之法一時起請大道真師為說
滅度因緣之道真師然之大眾歡喜一時作
禮聞真師為說滅度之法諸戎狄等無復憤
非乎孔之患真師又告諸戎曰善男子修道

樹因譬如良農三陽之時善後調牛鉤引懸
澗隄捍絲密踏乘通淳加以好糞次選良種
治擇蕪穢溫溼宜之然後調樹芸耨耨耨
護苗根晨夕看視無令六畜侵食踐踏如是
苗子三月假生萋蔚繁茂水陸通美無有登
騰涼秋結實高下通熟即命僮僕收獲貯積
藏吏監守不令餘耗唯供食用儲備為長家
給豐足傍惠貧乏周濟飢匱施廣散大恩德
弘普功聞上天一切幽明咸皆護善福德成
就利涉合諧所求如意無願不成如是良農
終卒獲利不可稱量善男子汝等大衆於道
福田勤行修習心無懈倦如彼良農必獲果
報而不差也善男子往昔劫中玄谷之北休
胥國王夫人有娠雙誕二子六歲已來形貌
相似父王重之每在懷抱年至七歲遠析師
傳一種訓之其王自名此兒一曰紹光二曰
紹明二子同學父王時時躬往約勒令不忘
情師以義方授其業藝爾時二子晨朝之時
俱會受業受竟思義各還一院爾時紹光誦
曰上口默坐思惟晨夕不寐爾時紹明立性

踈懶又多昏睡耽酒嗜色神情奔躁雖讀其
 文都不思義若見父王巧能方便手不釋簡
 性又陰惡爾時師匠不敢專制於是紹明常
 懷刃刃凶險悻悻年至十七集羣臣議立大
 子令諸公卿對衆簡閱讎校優劣紹光仗藝
 無言不讎適該世伎性又慈善次問紹明有
 問無對即枉師傳授業適黨師對王言王子
 性戾不遵教命不授臣訓情性凶險大王不
 信誠檢懷抱果懷刃刃師言臣不自衛焉敢
 訓之王即擯出紹明於城外立後懷怨心便
 生謀逆未及聚衆已被察獲心懼刑綱奔入
 邊鄰隣國不舎執而送之羞見父王祕氣而
 死羣臣議之以爲逆子亂臣不收葬棄於荒
 外鳥獸虫蟻其凶逆不敵其肉脂膏滂沱
 流洿草澤一爲不信自取滅亡天地不哀人
 神共疾竟徒誦萬劫不原縱得出生亦失
 人道爾時紹光拜爲太子大會公卿普赦天
 下焚香登殿遙望如神色正頽和德含春日
 四海無事天下太平方外子來龜朋遠羣臣
 贊王國人神合符風雨以時百穀成熟爾時

太子溫仁忠恕慈善孝敬年至三十父王禪
 祚即以國政付囑太子太子三辭不受又恐
 逆命非孝子也即以頓首父王受天正位以
 道治國不施雜令未滿一年頌聲溢路人神
 交歸衆瑞紛錯芝草盈庭麟鳳翔集天下
 遊仙雲四張上元真宰以爲門師授其道要
 身佩生籙威神扶衛年至九十老而更丁色
 如童稚耳目聰明生氣布養五藏華榮白髮
 如黑朽齒更生太醫仙王爲合神藥復氣如
 形終身不衰年百七十一旦委國上騰太霄
 于今治在太清天中處於玉華瑤臺長存無
 窮猶故修學無上道法一生立信經必昌期
 道不負人其義斯在善男子汝諸衆等於道
 立信勤修功行身無缺死名之道基
 爾時諸戎聞說至法領受歡喜大衆頂禮一
 時開悟因緣之道心無緣外着各各嚴裝所
 乘之象辭別天真各還本國是時胡鬼乘此
 法力身度南宮受生東方極樂世界有道之
 國是時中國男子亦各還家尊修至法一國
 道士在會中者九萬七千人皆得六通無礙

自在或隨其人周遊下界九夷諸仙昇入無
 形莫知所在大王父母猶昇慶霄玉清天尊
 錫太帝之身跡爲洞玄太玄又錫夫人爲玄
 臺仙君給以女仙侍衛二十四人飛蓋焱輪
 以昇洞天主諸新學女冠道士
 爾時真師爲世救焚猶在寒林玉清天尊與
 諸真帝常在玄中湛然不動四時八節時放
 光音一切有生咸皆侍賴
 太上大道玉清經卷之七